

YÜNGA NGÜ 48

1. Yesu duru ta eyi?

-Abala de.

2. Yesu je ta wu ngu ‘buru te me mala, fa ta a duru de ka ne?

-Tengu wu yaka ta Yesu gbu sitingu nda de.

3. Wu Yaka ta Yesu gbu sitingu de ne bayi?

-Tengu Yesu ta de nguwa woyi de niye de.

-Tengu Yesu ta de me.

4. Gara kpara la du ti di ba Yesu?

-Ama.

-Wu yaka wu gara wu kpara ‘buru gbu sitingu.

5. Yesu mgbu ta ameri ne ti wu Yosefa aki Maria maka ta ungu esambu ka me ni?

-Yesu e je ta wu ngu te wu kpara te wu gutomu gu ka me ta emala ne fa amgbu ayi ta uwu.

-Yesu e guta tomu ngu ka me fu wu kpara te wu egu tomu ngu.

6. Yesu wu ta ngu ka me baye ta te ungu la bu de re ye njukpa de fuye ‘bosu ne?

-Tengu Yesu ta de me.

7. Ta te Mary yi ta Yesu ne, amala ta lugu guba ne?

-Fu Yesu ta amala lugu guba, “yi wu ta ga Mana di ta esambu ka wora de?”

8. Yesu le ta amala ga ne?

-Yesu le ta amala guba, ni mere ta tima te me wo ni le de ni mere.

9. Yesu je ta ngu ka wu Yosefa ake Maria te ungu ta ega?

-Wayi.

10. Yesu ta kpikpiye te wu gara wu jeji baye?

-Yesu ta de me.

-Yesu ta baka me la ata kpa baka mundu la.

-Me to ta mbarese fu wu Zechariah ake Elizabeth de iri ye Yoan.

-Iri ye wu Zechariah ake Elizabeth ta kpa de Yoan muru babatiza.

-Me tima ta Yoan muru babatiza teka areke moguma wu kpara ka Jew.

-Yoan muru babatiza ereke ta moguma wu kpara ka Jew fu da?

-Fu Yesu muru kuwa.

-Yoan muru babatiza ereke ta moguma wu kpara ka Jew baye?

-De agutomu ngu ka me fu uwu.

-Me siya ta Yoan muru babatiza de agutomu ngu fu wu Jew.

-Dene ngu ta te Yoan muru babatiza egu totomu:

Ni Tanga La Matayo 3:1-2

1-Fu Yoan muru babatiza ta akoro fa amgbu a gutomu ngu gbu ra zu agbu Judea.

2-Fa amala ta ga, “yi reke moguma ye tengu me eyi gba meri.”

-Yoan muru babatiza egu ta tamu ne fu wu kpara ka Jew?

-Yoan muru babatiza egu ta tamu ngu fu wu kpara a wu che sitingu ko uwu de wu reke moguma wu.

-Gbu ma reke moguma baye?

-Birigbu areke moguma ga ni fu wu tinga ngu kani teka me.

-Me le de ni fu wutinga ngu keni teka me tengu ne.

-Tengu ni fi ga ni ti eyi amala ngu fu me te kaji kani te ni le.

-Ni ti eyi anu fu me ti kaji keni te ni le?

-Abala de.

-Me kayi di njila, ni na nu fu me bu te kaji kaka.

-Gbu areke mogumani ga ni fu wu finga ngu keni teka me, tengu me kayi di njila ni na anu fu me bute kagi kaka.

-‘Bosu, gbu areke moguma ni kpa ga, ni fu wu finga ngu keni teka ni.

-Me lede ni fu wu finga ngu kani teka ni tengu ne?

-Tengu ni fi ga ni duru la te me de.

-Ni duru eyi ekute me.

-Wayi.

-Wu kpara ‘buru duru eyi ekute me.

-Wu yaka wu kpara ‘buru gbu sitingu.

-Gbu mareke moguma ga ni fu wu finga ngu keni teka ni tengu ni duru eyi ekute me.

-Bata, gbu mareke maguma ga, ni fu wu finga ngu kani teka sitingu.

-Me le de ni fu wu finga ngu keni teka sitingu teka ne?

-Tengu ni fi ga me ti amere sitingu de ni ka sitingu keni de.

-Me emere sitingu ka wu sitingu?

-Wayi.

-Me ena atima kpi fu a teka wu sitingu keni 'buru.

-Gbu mareke moguma ga ni fu wu finga ngu keni, tengu me tima kpi de fi badi fini teka wu sitingu teni.

-Yoan muru babatiza egu ta tamo ngu fu wu Jew ga wu fu maguma wu.

-Dene nguta te Isaiah mala teka Yoah muru babatiza.

Ni Tanga La Matayo 3:3

3-Dene kpara ta te Isaiah amala ngungune: “Ri kpara ta ie a gbu ra su, “yi reke kaji fu me, de yi reke kaji fefe.”

-Nebi Isaiah mala ga guba Yoan muru babatiza ena koro ta meye teka areke maguma wu Jew fu muru kuwa.

-Baka eta te Yoan muru babatiza di ta de Nebi ka me ni, a ta de muru chinga.

Ni Tanga La Matayo 3:4

4-Bongo ka Yoan ta gbu su gemele a i ta teyi de kono. Wu e mazu kaka ta de wu imbiri mu de wu.

-Wu reke ta bongo ka Yoah muru babatiza gbu su teme.

-Azu ta wu de imbirimu.

-Wu gara wu kpara fi ga te ani le ngu me la, me ena ato bi se fu ani.

-Me mala ngu bi se fu wu kpara ndade.

-Tengu Yoan muru babatiza eguta tamu ngu ka me ni fu wu kpara ka Jew ta abili tewu teka aje wu ngu te ungu emala.

Ni Tanga La Matayo 3:5-6

5-Wu kpara koro ta fefe gbu Jerusalem, Judea de wu kpara gbu su kawu Jordan.

6-Wu kusa ta wu sitingu ka uwu, fu ungu ta a mere babatiza fu uwu gbu ngu ka Jordan.

-Wu kpara ka Jew le ta ngu ka me etu Yoan muru babatiza.

-Wu Jew la kusa ta wu sitingu ka uwu, fu uwu ta a yi ta me de a kuwu uwu.

-Tengu wu kpara ka Jew la kusa ta wusitingu ka uwu, fu uwu ta ayi ta me de a kuwa uwu ne, fu Yoan muru babatiza ta a mere babatiza fu uwu.

-Babatiza de ne enen?

-babatiza de ato wu kpara esa ngu de akusa uwu.

-Gbu babatiza ga ne?

-Babatiza ete e yuga ga mu kusa wu sitingu kamu eyi, mu le eyi bu me de ungu kuwa mu.

-Babatiza ti ta eyi akuwa wu Jew esaka wazi, sitingu kpi de Satana?

-Abala de.

-Babatiza ti ta a kuwa wu Jew esaka wazi, sitingu kpi de Satana de kane?

-Tengu ato wu kpara esa ngu ti a kuwa uwu de.

-Babatiza ti eyi akuwa kpara esaka wazi sitingu kpi de Satana?

-Abalade.

-Babatiza ti a kuwa ni esaka sitingu de.

-Babatiza ti asuru wu sitingu keni sisi de.

-Babatiza ti ase wu sitingu keni de.

-Kpara te ti ta eyi a kuwa wu Jew esaka wozi sitingu, kpi de Satana de da?

-Adi Yesu muru kuwa.

-Babatiza bi de ete ena yuga ga mu kusa sitingu kamu eyi, mu le me eyi de a kuwa mu.

-Wu Pharisee de wu kpara te wu efiti wu kpara koro ta ‘buru aje wu ngu te Joan muru babatiza ta emala.

-Yoan muru babatiza emala ta fu wu Pharisee de wu kpara te wu fiti wu kpara ta guba ne?

Ni Tanga La Matayo 3:7

7-Ta te Yoan muru babatiza wu ta wu pharisee de wu kpara te wu fiti wu kpara ta ekoro te su te engu amere babatiza tete ne, fu ungu ta mala fu uwu ga: “Deyi wu dinga kpuru! Kpara te mala ta ga yina akpe ka singa ka me deda?”

-Yoan muru babatiza i ta wu Pharisee de wu kpara te uwu efiti wu kpara ta de wu dinga kpuru.

-Yoan muru babatiza i ta wu Pharisee de wu kpara te uwu efiti wu kpara ta wu dinga kpuru tengu ne?

- Tengu wu Pharisee de wu kpara te wu efiti wu kpara ta de wu muru lili.
- Tengu wu Pharisee de wu kpara te wu efiti wu kpara le ta akuwsa wu sitingu ka uwu de.
- Wu ngu ka Yoan muru babatiza ta kpekpeke fu wu Pharisee de wu kpara te wu efiti wu kpara.
- Abala tengu wu Pharisee de wu kpara te uwu efiti wu kpara ili ta ali fu wu a asi de akusa wu sitingu ka uwu.
- Me ti a kuwa wu kpara te wu ili wu asi de akusa wu sitngu ka uwu de.
- Me ena kuwa bu wu kpara te uwu li de, wu kusa wu sitingu ka uwu 'buru.
- Gara ngu ta te Yoan i muru babatiza mala fu wu Pharisee dewu kpara te wu efiti wu kpara ta baye?

Ni Tanga La Matayo 3:8

8-Fu Yoan ta kpa amala gu ba, “De yi zu de akusa wu sitingu keyi.”

- Wu Pharisee de wu kpara te wu efiti wu kpara ti fa ga me de tedu de eni.
- Wu pharisee de wu kpara te uwu efiti wu kpara fi ta ga me de tedu de eni tengu ne?
- Tengu wu fi guba wu tima kawu ani ena amere de a di de tadu de ani.
- Wu tima kani te eyi amere de me mgbu de tedu deni?
- Abala de.
- Tima te ena a mere me de amgbu de tedu deni de ne?
- Akusa wu sitingu ka kpara.

-Fu wu kpara ‘buru teima te ena amere me de a mgbu de tadu de ni de, akusa wu sitingu.

-Gara e te o ta wu kpara tre wu efiti wu kpara de wu Pharisee afit guba me de tedu de ni neene?

-Wu Pharisee de wu kpara te wu efiti wu kpara fi ta guba me de tedu de ani tengu ani de wu kundu eyi Abraham.

-Enga Yoan muru babatiza mala ta guba ne?

Ni Tanga La Matayo 3:9

9-Fu Yoan muru babatiza mala ta kpa guba, “ye ya afi ga, Abraham de wo ani de. Ma emala fuyi ga me ti eyi a reke wu jeje fu Abraham.”

-Yoan muru babatiza mala ta guba wu Pharisee de wu kpara te wu efiti wu kpara de wu kundueyi wu Abraham, ati a mere me de a mgbu de todugu tengu uwu nda de.

-Amgbu de kundu ye wu kpara ti eyi amere me amgbu de tedu de kpara?

-Abala de.

-Yoani muru babatiza mala ta guba me ti eyi areke wu kundueyi fu wu Abraham te ungu le la.

-Gara ngu ta te Yoan muru babatiza mala ta fu wu Pharisee de wu kpara te uwu efiti wu kpara ta gu ba ne?

Ni Tanga La Matayo 3:10

10-Fu Yoan muru babatiza ta amala ga, “Gifi eyi fu wu ru, wuru te ewu zu de ni wuna ade uwu koto fu uwu agu uwu agbu wa.”

-Yoan muru babatiza mala ta teka wu kpara te uwu de de todugu tewu wu le a kusa wu sitingu ka uwu de ta ga ne?

-Ga me ena ade uwu koto baka siti ru fu uwu aso uwu gbu mere wa te di fi badi.

-Dene mayuga ngu:

-Te ni kolo siti ri ru te siti eyi, ru la ti eyi a zu gara zuka ri ru?

-Abala de.

-Ru la ena azu fi bu siti riru.

-Te ni de ru te di de riye esit, ru la ti eyi aga akoro kd zuka ru ti ezu zuka riye?

-Abald de.

-Ru la ena fibi siti ru fa zu fibi siti riye.

-Ni 'buru baka ru te ezu siti ri ye.

-E kpala te ena mere ni bi fu me ma.

-Te ni mgbu de tadu teni, nile a kusa wu sitingu kani de, me ena de ni koto baka wu sitn ru lafu uwu aso ni gbu mere wa tedi fibadi.

-Fu Yoan te amala ngu teka Yesu.

Ni Tanga La Matayo 3:11

11-Fu Yoan ta kpa amala guba, “ma mere babatiza fu ye de ngu ka sitingu kayi. Kpara te ena koro futanga ra de wazi afa ra, mati abi e ka ka lo kaka de. Ana amere babatza fu ye de njila kuru de wa.”

-Te Yoan muru babatiza emre ta ndaye babatiza fu wu kpara de ngu, Yoan mala ga Yesu ena mere ndeyi babatiza fu wu kpara de me de njila kuru.

-Yoan muru babatiza mala ta kpa guba Yesu de me te di njila ni ti abi e lo ka Yesu de.

-Gara ngu ta te Yoan mala teka Yesu ta ga ne?

Ni Tanga La Matayo 3:12

12-Fu Yoan muru babatiza ta amala ga, “Ru kaka na esaka na, ana mi de afeke, fa biti wu ja e kaye gbu kafa fa a gu cha cha gbu wa te uwu ndaye de.”

-Yoan babatiza mala ta gu ba wu kpara ‘buru te uwu e mere todụ wu le akusa wu sitngu ka uwu de ni wu baka cha e la.

-Che e mbi teka ne?

-Tek a e de.

-Wu na churu bu ungu asidi.

-Yoane babatiza mala ga Yesu ena churu wu kpara te ueu te akusa wu sitngu ka uwu de ba cha e la gbu mere wa te di fi badi.

-Fu Yesu ta akoro fu Yoan babatiza de ungu mere babatiza fini.

Ni Tanga La Matayo 3:13-15

13-Fu Yesu ta aye agbu Galilee akoro agbu Jordan de Yoan babatiza mere babatiza tini.

14-Yoana le ta a asi esasaka, fa ta amala ga “Muna mere babatiza fefe mumu, mu koro kpakara baye?”

15-Fu Yesu amala alugu ga, “A mere la bala chichini; ambi de a mere bala de amgbu mbi.” Fu Yoana ta ale.

-Wu mere ta babatiza fu Yesu tengu ne?

-Atra ka ete Yesu kusa ta siti ngu kaye?

-Abala de.

-Yesu ti ta a kusa wu siti ngu de baye?

-Tengu Yesu duru ra nda de.

-Wu mere ta babatiza fu Yesu tengu ne?

-Tengu Yesu le ta a yuga ga ni de muru kuwa de zuka kpara ka me.

-Tengu Yesu le ta a yuga ga Yoana egu la tamu ngu ka me.

-Tengu Yesu le ta agutomu ngu fu wu kpara 'buru.

-Tengu Yesu le ta a amere wu ngu ka me 'buru.

-Yesu ta de me.

-Tengu Yesu le ta a mere wu ngu ka me woye 'buru.

-Kpara ta te a gu tomu wu ngu fu Yesu o a to fukoto sini de da?

-Ade me de njila kuru.

-Ta te uwu mere babatiza fu Yesu ne e ta te mere ne ene?

Ni Tanga La Matayo 3:16-17

16-Ta te wu mere babatiza fu Yesu ne fa ta akoro gbu ngu asidi. Fu kpi ta a u fa ta a chika njila kuru ka me ta akro fefe baka lu la de ra su.

17-Fu ri kpara ta akoro kpagbu kpi ame la ga, "Dela engara, te ma le ungu fa su; te madi de tadu te ngungu."

-Me de wo ro ta mo maye agbu kpi.

-Me de wo i ta Yesu de engu ye.

-Yesu ta de ye me de wo baye?

-Tengu Yesu ta de me te dche kpi fu ungu akoro a mere ngu ta te me de wo ele.

-Me de wo mala ta teka Yesu guba ne?

-Me de wo mala ta guba ni de todun ka Yesu.

-Fu Yoana babatiza wu ta kpa Yesu.

-Yoana babatiza i ta Yesu bane:

Ni Tanga La Yoana 1:29

29-Gbu gara ra fu Yoan ata a wu Yesu te ungu ekoro to kpaka na fu ungu amala gba, “mu chikala, kabiliki ka me, te eza wu sitingu ka wu kpara ku koto ‘buru!’”

-Yoana babatiza i ta Yesu “kabiliki ka me.”

-Yoana babatiza i ta Yesu “Kabiliki ka me” tengu ne?

-Me tima ta Yesu de akpi teka wu kpara ‘buru baka eta te me to kabiliki de akpi da Isaac ne.

-Baka eta ti kabiliki kpi fu ngungu te a kuwa wu kpara ka Israel agbu Egypt ne, me ena tima ta Yesu de a to ngute ye te ka akuwu wu kpara ‘buru.